



Early Journal Content on JSTOR, Free to Anyone in the World



This article is one of nearly 500,000 scholarly works digitized and made freely available to everyone in the world by JSTOR.

Known as the Early Journal Content, this set of works include research articles, news, letters, and other writings published in more than 200 of the oldest leading academic journals. The works date from the mid-seventeenth to the early twentieth centuries.

We encourage people to read and share the Early Journal Content openly and to tell others that this resource exists. People may post this content online or redistribute in any way for non-commercial purposes.

Read more about Early Journal Content at <http://about.jstor.org/participate-jstor/individuals/early-journal-content>.

JSTOR is a digital library of academic journals, books, and primary source objects. JSTOR helps people discover, use, and build upon a wide range of content through a powerful research and teaching platform, and preserves this content for future generations. JSTOR is part of ITHAKA, a not-for-profit organization that also includes Ithaka S+R and Portico. For more information about JSTOR, please contact support@jstor.org.



X. *Observationes variæ Medico-Chirurgicæ a*
Johanne Daniele Schlichting, Med. & Chir.
Doctore, Acad. Cæsareo-Leopoldin. Nat.
Curios. Membro, & Commercii Literarii
Norimberg. Socio.

Circa Spinam Ventosam Animadversa nuper detecta.

Read Dec. 23. 1742. I. **C**Omperii illam esse ægritudinem,
 quæ luem Veneream multum
 æmulata & humores & vasa corporis inficit.

2. Eam non semper ossa, neque medullam primum
 afficere, sed interdum quoque adipem, membranas, &
 posthac ipsa demum ossa.

3. Periosteæ aliæque ambientes partes subinde solum
 apparent tumefactæ, quibus discissis nulla nondum
 ossis infectio.

4. Aliis os primum tumescit, idque in epiphyssi.
 Digitorum autem ossa per totam suam molem ali-
 quando tument, unum aut plura.

5. Quando os carie infectum vidi, expertus sum
 insuper interdum ulcera, fistulas, tubera ad clunes, sub
 axillis, oculos aliasque partes vel inflammatas vel ex-
 ulceratas esse; quæ vero cuncta symptomata cedebant
 penitus unico remedio, Mercurio, huic morbo atque
 lui Veneris proprio.

6. Abscessus & ulcera ad articulos, ad periosteum
 & ligamentum usque penetrasse, neque ulla tamen
 caries conspici poterat. Ast subinde nuditas ossis
 comparet absque carie, aliquando cum carie ac sine

ex-

exostosi, & iterum exostosis absque nuditate & absque carie.

7. Facta suppuratione, exostosis postmodum adhuc multum resolvitur proprii remedii usu.

8. Immo, separatis ossium particulis reliquus osseus tumor pedetentim resolutione fatiscit.

9. Privantur ægri & mutilantur digito, manu, pede, vel uno aut multis articulis, neque malo tamen penitus orbantur: restat subtilis materia venenata humoribus mista, quæ prioribus similia mala postmodum licet aliis in locis resuscitat. Hinc pars aliquando frustra amputatur, quum vel ad eandem partem, aut proximam aut dissitam quoque, virus efficax appulsum eundem morbum excitare conspicitur.

10. Immerito hic loci, in civitate adeo populosa, soli naturæ miseri relinquuntur, per annos decem & ultra sic frustra afflicti, sperato quotidie vano naturæ spontaneo adminiculo. Expectando autem sat diu ac nimium, pereunt tandem tabidi quam miserrime ita malo vexati.

11. Sine fructu igitur multis futilibus atque vanis adhibitis remediis, medicatus diu vexans ægrotos liquorum decoctis, alvum sudoremque cientibus diureticis, terreis, minerali Æthiope, Cinnabari, Marte, omnibus ne hilum quidem proficientibus, consului MERCURIUM, & efficacem inveni, illum quidem præcipue extus affectæ parti illitum; quamvis & Panacææ forma intus ore assumtus ille mihi nonnunquam satis proficius & efficax obvius factus sit.

12. Partem tumentem, in quocunque sit statu, cute tectam aut ulceratam, cum vel sine ossis nuditate aut carie, unguento Neapolitano inungendam jubeo.

℞ *Ung. Ros.* ʒj. *Mercurii viv.* ʒss. *Terebinth. clar.* ʒj. M. F. *Ung.* ter, octo, decem aut quatuordecim dies pro re nata, & ætatis ratione, plus minus, citius tardiusve id oblinatur, imposito supra communi emplastro diapalm. defensivo, aliove: illinatur autem singulatim parumper bis de die: exhibito interdum, ad avertendum pyalissimum, leni pharmaco alvum ciente: Idque ad duos tresve menses aut ultra agendum est, donec ulcera funditus coaluerint, atque ossi tumores maximam partem disparuerint, desistendo interea nunquam ab usu Herculis, Mercurii, qui longo temporis spatio hic medetur tarde, non quidem per pyalissimum, contra ac in lue Venerea accidit. Tam enim parvo tempore omnia spinæ phænomena haud disparent salivæ fluxu, uti contra Syphilidi contingit.

13. Sæpe & fere semper vidi, hac sola methodo non modo tumores fuisse resolutos, verum & ulcera profunda, & ista cum carie putrida, fungosa, quæ fistulas mentiuntur, &c. penitus solidata, nulla omnino facta scissione, terebratione, abrasione, ustione; adhibita interim extus solummodo simplici ulceribus propria deligatione.

14. Ast ubi hac medendi ratione per aliquot hebdomadas porrecta comperii, haud ita faustum fore successum, quum pus, ichor, lympa intus reclusa, aut ossis corrupti fragmentum vel separari vel excerni nescit, partem rite incidendam, atque spongia aut linteo'o carpto dilatandam satis curavi; adhibitis posthac vulneri *Myrrhæ* seu *Euphorbii* tinctura, *Aq. dir.* Fernel. *Ung. fusc. Fel. W. Alum. crud. & ust. Merc. præcip. & dulc. Spirit. Terebinth.* aliisque omnibus pro re nata in usum vocatis, quibus ulcera
for-

fordida una cum carie mudentur, caro excrescens fungosa coerceatur atque sauciatum consolidetur. Non neglecto tandem vinculo arctis fasciis stricto, una cum rara sub finem necessaria deligatione.

15. Tumorem vero partis solidatæ posthac sæpe-numero diu residuum naturæ discutiendum relinquo, aut gummosum ei emplastrum affigendum curo.

Pleuritis suppurata per vulvam puellæ excreta.

Puella, vicini Ianionis filia, tres annos nata, afficitur pleuritide, quæ in abscessum vertebatur clausum, juncto per menses asthmate. Sed subito puris fluxus oboritur per puellæ vulvam, extra tempus lotii reddendi, idemque fere continuus, die noctuque per quatuor ferme menses haud interruptus, protractus, ut femina ac femora degluberentur. Quo elapso tempore ægrota perfecte convaluit, nullis pene adhibitis medicaminibus, & adhuc annis quinque post validam degit vitam.

Abscessus Lienis per vulvam facta puris excretionem sanatur.

Uxor J. Z. S. juvencula ante sex annos afficitur lienis tumore, quo disparente, per menses pus e vulva copiosum absque urina stillatim profluxit, & perfecte liberata est etiamnum vegeta ac valens.

Loco seminis sanguis expellitur in coitu.

Juvenis 26 annorum quatuor ante annos virulenta gonorrhœa afflicta, per annum usus præter pharmaca purgantia fortissimis diureticis, cruorem tandem loco
se-

feminis ejaculari coepit absque dolore, cumque ex rufo nigricantem, nullum extra coitus aut pollutionis tempus passus ex urethra fluxum. Et licet per septimanam, immo per mensem unum aut plures, hanc omnino vitaverit excretionem, eundem post equidem ejaculatus est cruorem: neque vel semel quidem ad hoc usque tempus purum semen emisit, immo vix unquam aliquid albi semen æmulantis rubro mixtum apparet. Fortissimis adstringentibus & temperantibus intus & extus utendum curavi, quando rubrum & nigricans parum albesceret. Posthac ptyalismum institui protractum satis, aliisque in usum vocatis, nihil tamen cunctis proficientibus. Quare immedicabilis ille nobis declaratus est soli naturæ relinquendus. Numne in prostaticis aut vesicularum feminis altera ulceratis vas sanguiferum ruptum neque solidatum, ut causa, quærendum?

Coxæ articuli suppuratio, cum secessione capitis femoris, solidata, vide TAB. Fig. II.

Anno 1730. Puella rustica 14 annorum coxæ articulus tumescit, dolet, suppuratur, perrumpitur. Chirurgus dilatat foramen natura factum: extrahit totum ossis femoris caput: subjicit posthac in ulceris cavitatem *Myrrhæ tincturam*, porro *fuscum ung. fel. W.* stringit eam denique arcto vinculo, raro deligat, atque sex septimanarum curriculo consolidat, ut puella postmodum libere liceat manca infesserit. Ecce figuram ab isto Chirurgo ruditer delineatam

- Nº. 1. denotat acetabulum innominati ossis.
 2. caput ossis, quod ex ulcere extractum est.
 3. cruris collum, &c.

Aneurisma falsum non pulsans cruorem continens liquidum.

Anno 1741. conveni cum Chirurgis foeminam A. C. Carstus, cui erat brachium dextrum, circa cubiti ac radii articulum cum ipso, prætumidum, pollicibus 32 crassum, a phlebotomia ante annum ibi facta, exortum, nunc inflammatum, rubicundum, valde dolens. Tumor erat extensus ab infima humeri parte ad carpum fere usque, uti TAB. Fig. III. demonstrat. Ad latus internum apparuit ulcusculum lividum gangrænæ junctum, rupturam præfagiens. Tactu erat instar vesicæ humoribus plenæ ac confictæ absque omni vel minima pulsatione, adeo durus ac densus, ut nullam, & re minimam quidem representationem admitteret. Ad carpum quoque nulla pene pulsatio micabat. Nonnulli putabant fungum adiposum clausum forte subesse, qui clausus æque durus comparet: ast ego cum aliis aneurisma non pulsans latere suspicati sumus. Hinc convenimus, omni brachio fasciis commode circumvincto, rupturam esse expectandam, quæ die etiam sequente tertio contigit: Quando, soluta ligatura, momento temporis, maxima vi cruor liquidus ultra libram profiliit. Chirurgus beneficio fungi bovis. & fasciis sedavit extemplo hæmorrhagiam. Duas post horas consensimus omnes, aut brachium amputandum, aut arteriam esse circumligandam. Elegimus autem arteriæ ligaturam, apposita primum machina torculario sive *turnequet* dicta ad arteriam supra comprimendam, disciflis supra aneurisma, in parte sana, brachii ferme media, cute adipe ac ventre bicipitis musculi, atque acu cum
filo

filo infra aut subtus arteriam transmissa, ac filo circumligato. Tum, sursum ac deorsum omni diffisso aneurismate, sanguis, isque clarus, rubicundus, liquidissimus, copiosus, vel ad libras quatuor subito profluxit, quem ceperat ipsius una cavitas. Mirum spectatu, hic nullum repertum fuisse arteriæ saccum, uti in vero aneurismate videre est, neque polypum aut sanguinis grumum, ut in falso, sed cavitatem longe aliam intercutim & musculos atque inter musculos ipsos formatam, atque musculos ad brachium inferius sitos omnes a se invicem sejunctos, ac si arte essent separati, sed pallecentes, vapidos, luridos, ad quos adhærebat parca quædam gelatina mucii mollis instar, quam digitis ipse deteresi, & quæ elota albescebat penitus: in memorata cavitate porro mirabundi omnes conspeximus ex sex septemve locis supra infra, & e lateribus, tanquam ex tot canaliculis, cruorem vi atque copia profuissse. Ad eos tum canaliculos obstipandos admovimus fortissima styptica, cum *bovisf. boleto, vitriolo, spiritu terebinthinæ, alcohol Vini*, &c. quibus & omnem cavitatem ope lintei carpti implevimus, arctis emplastris atque fasciis circumvincto supra vinculo ista: quidem cito sanguinis flumen coercitum est, ast mala ex malo exorta symptomata, qua rupturæ præcesserant, uti erant febris, ructus, nausea, vomitus, singultus cum calore, lipothymia, tendinum subsultu, &c. vesperi exasperabantur. Die sequenti iisdem crescentibus, juncto delirio, tertio die mane, non obstante temperantium, anodynorum, cardiacorum usu sat largo, vitam cum morte commutavit. Et quum raro admodum ejusmodi exemplum occurrit, ideo memoratu dignum

id

id judicans huc transcripsi, figuramque hanc tertiam apposui. Notantur autem in TAB. Fig. III.

Nº 1. Brachii dextri aneurismate obfiti interiorius
latus.

2. Locus unde sanguis sponte prorupit.

3. Brachii dextri ejusdem externum latus.

Scripseram *Amstelædami*,

d. 16 *Septembr.* 1742.

XI. *Observationes duæ Anatomico-practicæ, una de Infante nato cum Sacco Aqua pleno, ab Offe Sacro usque ad Talos propendente; altera de Hydrocephalo singulari. Auctore Job. Baistero, M. D. R. S. S.*

Read Dec. 23.
1742.

OMNE illud, quod lymphatica vasa ita obstruit, ut transitus contentæ lymphæ ad cor impediatur, hydropem causari potest: sic quando in partu difficili caput nimium premitur, vel capite jam nato, os uteri collum, vasaque jugularia ita constringit, ut reditus sanguinis per arterias vertebrales allati inde impediatur, oriri potest Hydrocephalus.

Sic *Lowerus*, libro de corde, Cap. I. in cane vinculo ligabat venas jugulares, arteriis aperte relictis, viditque canis caput pedetentim intumescere, ipsumque hydropicum fieri: & ipse in suspensis hominum cadaveribus plus semel expertus sum, laqueo reditu sanguinis ex capite impedito, cavitates cerebri humore aquoso esse repletas, plexumque choroideum hydatidibus scatere.